

復
初
齋
詩
集

復初齋詩集卷第六十五

大興 翁方綱 正三

石畫軒艸八

壬申六月至
癸酉八月

洪介亭遊華山圖卷

全秦人文入鑑後放眼華岳真精神遺山漫賞范寬軸
我今得子胸中秦秦地山川脈聚此杜陵所以竚澗濱
尙遲車箱問涼序未遂拄杖窮源津坡公特羨無爲子
王事恰值重九辰吾子鎖關燒燭夕詩思已越通天門
歸途繞出仄澗磴絙索直上千嶙峋身到柯平削壁頂
手撥松罩諸峯雲莽莽層青但一氣瀾翻颺縷誰與論
二年後乃落楮墨三峯勢尙開雄尊樵聲水聲玉井側

石梁石杙仙掌痕向來詩記不到處

吾門陝右三使節蔣子關路哦秋旻

甲寅蔣彌堂戊午王蘭江皆吾及門

典陝西鄉試彌獨尔探奇造意表妙取雲石爲論文畸

交霞客遊侶耳奚足與爾量見聞我仿郭香察書勢蘇

齋老眼方鑒真

或仿造雷氏琴周益公銘并題南雅二字小兒

拓裝爲軸以贈南雅學使之行題此

不是南飛鶴蓋時酒闌句憶贈行遲湖州舫借平園夢

小字金書記裕之

乾隆壬辰春予於紀心齋南歸席間題此琴真本今此是仿趙書爲之

題孫退谷所藏絳帖第九第十卷二首

退谷得自涿鹿

馮氏有蕉林印

一軒印記是何年

有元人方一軒印

快雪樵來配寶賢堦砌石

欄橫直樣只畱懷素接張顛

退翁籤笈等馮梁真影仍憑鳳墅量今日絳州誰道古

可能韓考便追姜

近日絳人韓霖撰絳帖考

八十初度奉答諸友祝嘏之作二首

瓊玖何因集益收警言滋戒啟驕浮

惠撰壽序者拜却之

汗襟愧

有千尋積困學功無寸尺酬孟易孔書津孰逮劉規服

注補奚由畫圖十二勞丹粉幅幅能追省過不

寫圖十

話舊楊郎誨未聆吳箋千里墨猶馨誰箴陌上聯三爰

寶愧樓名拜五經葉子手量苔更綠東塘記訂眼俱青

月圓正照慮虎字尺矩銅規卽坐銘

愚與楊立山吳槎客今皆八十立山

無詩而槎客詩來并以所著周尺訂謫見寄
此答槎客兼答東卿也槎客有拜經樓詩集

陳務滋爲我作蘇齋較銅尺圖

海光樓卷末圖尺

孔東塘於揚州得建初犀提老人關
銅尺時有海光樓圖卷

賦詩

漁洋詩著尺記於
居易錄而無詩

恰到中秋月圓夕遠追荀勗祖

沖之金絲俎豆眞鐘律篆籀煙雲古鼎彝上下千年一
水鏡更從傳注日求師

題友人仿雲西春山幀子二首

未必層巒仿郭熙畫禪品目定誰師蒼茫畧取橫斜勢
櫟葉松針灑翠時

石欄斜迤誰營屋爲聽泉聲又品茶憶昨曲廊畱客處
偶敲棋子墮松花

補釋鮑氏所藏化度寺碑題後

高家樂毅海宇石模糊影記王復齋錫山尙餘井甃綠
石屑已訝飛成筵恨不親從蠶蠟役撇波一二隨摩揩
又想焦巖鶴銘腹五片錯落參離萃安得僧廊給掃汛
手量隙地相差排自餘殘刻百不數五色補孰追皇媧
獨有歐陽邕塔字遠與削柴盟根荻廟堂九成或肩亞
鳳羽千仞鏘離階蕭阮羊薄不傳處范家樓壁真磨厓
我繪范樓三段樣嵩陽斜照萬古懷每嗟翦裝但選勝
而此空楮行行皆淡雲過掃葭葦岸缺脚斷拾龍鸞釵
儼尋洛陽范樓夢拂拭煙雨披昏霾客來停杯佇遐想
我喜問涉窮津涯褰裳玉珮寄遠者珠簾霧擁遙連輦

如剔華陽仆石背趙竦寶篋來江惟夜來行間發光怪
蹇子拙釋誰匹儕高家石耶焦麓石蕭字壁竟南徐諧
他時趙盧復同賞咍爾郁記文類俳郁氏記盧嵩翁趙
松雪所題化度乃
朱翻後邨勿矜淳祐補王柏空撫詩譜乖陬維捫歷遍
參井嵩雲正照題茅柴

東卿所藏汝帖前八卷是圖牧山贈顧萬峯者
萬峯屬僧超源寫圖於帖後以記之予昔得牧
山所題墨池堂重摹化度寺碑爲仿此圖用雷
溪訪牧山韻題其後今東卿爲我重寫此圖而
東卿適得汝帖後四卷補完其篋子因以墨池
化度舊拓殘本贈之復疊前韻

率更邕師偈緣締非孤僻顧王二家藏欣遇以陳迹

顧汝

和王泓館本王莽州二本皆嘗來子齋

最奇宋翻影會依趙盧側一再吾

几茵手量鍛芒戟

趙松雪盧嵩翁所題未翻本嘗兩到吾齋

卽今鮑家籤就

子理黑白

鮑氏裝化度最有緒今三到吾齋也

何暇數墨池重臺步欹仄

君家汝州國相對如拱翼萬峯感牧山盟言又今昔老

袖秋澗圖破硯爲誰滌似寫葉與翁小窗盆池碧

東卿以宋人畫林和靖像換得汝帖後四卷因

撫像於帖後四用前韻

何人梅鶴閒寫此神幽僻月明萬籟寒空山掃無迹開

卷清峭意映帶啄波側梅橫欹似簪鶴瘦爪如戟煙墨

昏影中雲雪點虛白似笑篆待補如尋逕初仄石已換

仇池帖不煩蕭翼夢中眸冷然炯炯光猶昔仙風韻冷
冷洞天開大滌曩此殘軸香捲盡全湖碧

寄答金手山楊邨舟中見懷之作

千里何如遠唱酬津門兩月悵淹留開緘爲我添詩夢
對菊懷人倚暮愁墨點剡藤濃似昔雲橫畫嶺澹於秋
蘇齋正補重陽霽不爲看山上小樓

送阮芸臺之漕帥任

大儒闢經術我見清江楊督漕任最久績並楚粵驅手
著漕運書舊志更加詳

舊有明海州楊宏漕運通志十卷清江楊清慈重訂漕運全書

二十 阮公名翰林政聲滿越杭受 詔出冬官漕渠

肅紀綱

聖謨仰工釐利弊慎修防胸中官禮疏經緯節目張是
卽經義攷不獨籌農商十載鄒枚侶述作鳴天閭二年
洪趙錄題跋宮詞場秋深楊帆去餞筵闕舉觴昨校漢
官尺夢踐金絲堂所學必徵用若濟洪川梁公詩不虛
矢 國計兼民康惠言蘇齋及義與篋詰長諸諸律五
字附之金十郎

金手山附
樓南行

題兩峯墨蘭

澹月僧廊白石盆蘭盟誰譜趙王孫老錢醉愛欹斜筆
風味依依似壽門

吳越錢武肅投龍簡拓本

茅山龍起臨水里五百年間異人是蟠雲飛下天目峯

彊弩三千海潮徙銀枝燈燄照無睡舜井珠環未開始
簡書七十七老翁大中壬申今戊子告投名山諸洞府
醺謝高深暢遐邇八萬四千造塔前林屋洞簡基於此
溫公始著寶正年落星石刻文猶紀後先雖用李唐朔
遺闕或裨歐薛史一片鎔銀渺不存賜餘券鐵何岐視
芑堂寄我舊摹本炯如石鏡寒光峙細書玉帶毬馬氣
錦繡山川來表裏苔邊剝落煙墨昏霧擁雲蒸太湖水
朝鮮金進士得予舊作拜坡公生日詩艸裝冊
名其齋曰寶覃并寫坡像於冊屬題

便作龍眠小軸觀藤枝磐石氣蒼寒蘇齋一榻烏雲夢
星斗光芒大海瀾

又寫予小像於冊後屬題

簞笠焉能效寫真辦香未敢許知津只應月照松窗影

蘇像筵前執役人

或欲作仿坡戴笠像予謝不敢

朝鮮申紫霞學士來小齋坐有汪生爲寫小照

屬題其幀

淨慈禪偈答周邠未得周邠自寫真袖裏青蒼雲海氣

篆香特爲補斯人

君取坡公答周長官詩清風五百間以顏其齋故云爾

方洵遠山水小幀

花之玉井墨參禪借畫論詩四十年煙岫重林誰轉語

小獅儻悟石獅前

感舊

昔從擇友初辛苦求良藥孰以漢學師心弗宋儒作中

問盧與姚徃復盟言酌詁訓與技讐深虞植之薄既勿

矜創見亦弗炫馳博兼之戒好名一意苦幽索闕疑而

愼言敬企先民作役車舒桐間攜手望瀛霍尙想桂宦

燈訂我瀛池諾姬川南歸時於魚門桂宦饒筵屢及技讐時相箴切語竟爾雄辨

騁漸卽倂規錯不以虛懷貯安得深根託頗愧程叢園

空援孔塢約盧公書滿家猶恐人束閣苦言辣可憎正

未深咀嚼昔送姬川詩有苦言近辣有人憎之句姬川作色日龍非敢憎也俱成八十

翁豈比偶語謹未得置書郵暇且舊句削

太常寺仙蝶圖爲金蘭畦尙書題

奉常解宇蝶有神解中爭呼老道人曾荷

天題表靈異幾人得與目覩親野園宗伯昔繪卷杪冬
齊宿歲在寅花陰月午覓共詠老錢句屢南廊循乾隆戊寅
冬介野園少宗伯攝太常事以仙蝶卷屬同人題之礧石詩先成或宿簷扉或集扇金
晴鼓翼光殊倫常時園林見亦罕金公特記來芳辰又
爲畫手一再至石閒栩栩傳彌真升歆潔淨沐膏澤時
和風露相調馴煙霏一氣縹緲外迴出鈎染鉛華勻野
園畫卷不可見此卷長共池亭春金公舊作滕閣主滕
王粉本誰重陳我亦羅浮詠鳳子竹間古篆仙家鄰補
入春明夢餘錄衣香墨綵交花茵

輓洪介亭

磊落輪囷氣朋遊近所無詩編家世繼

自號小容齋

衾枕館

垣燕

每養病宜黃館

忍讀南豐記

嘗屬予為書宜黃學記尚未勒石

誰披太華

圖平生知己淚馳訊寄東吳

謂顧南雅

題絳帖殘本

潘駙馬帖無跋尾後記單姜前記歐姜平欲作史考鏡

意與祕閣同論不近來冒刻皆偽耳百年前見馮

伯孫

退劉公馮摹效潘不知跋王廙何以顏李

建中

傳三百年

前晉鏤影矮行旭艸珍琳球四十三字已闕半竟無考

者知其由潘家砌欄遍鐫勒鎮素儻在橫欄頭嘗見長

史詩艸蹟墨嚙狂怒騰蛟蚪何來大鳥墮羽翮却異紫

鳳移衾稠千文殘臘勢尙爾那問晉後參差收廬陵鳳

豎記摺樣剪痕斷續勞冥搜硯山齋笈正如此藏真鋒

接微茫求宋拓兼之宋裝背小紅字等桓元油未論段
眼別東庫奚假辨正傳襄州淳化大觀迭沿革書家史
家參校讐絳惟增刪別以次初非起例爲去畱晉唐餘
乃綴以宋屈屨不與官刊侔此卷偶逢顛素筆尙想池
檻空光浮俄頃變眩風雨集江海起立神鬼愁藝評漫
展帖譜系鑒古聊對閒茶甌硯山題來小窗影臘雪却
憶從初秋一軒印記何足道鈔胥誤轉滋謬悠閒者軒
帖考引
曹士冕語二十卷訛作十二卷致近日僞作絳帖者稱十二卷北平續題吾豈敢但訝
戴補厨籤抽晉藩摹入寶賢帖
戴補此卷有誤筆作考當鐫晉祠壁汾沮
如照瓊瑤流

昔魚門心畬兩峯諸君同集小齋觀予所藏元

人飛鳴宿食鴈軸和元釋子行端之作今荷屋
購得一卷亦多元釋子題感而賦此

禪意偏於畫意偕荻蘆之畔渚之涯江邨似爲君重購

荷屋卷有寒拾何關我舊懷行端號寒拾里人地借稻梁觀所

託天教霜月取其儕欲將鴈卷編詩話隔巷相呼松雪
齋

輓錢裴山

報國承家切藝文

上履問君家世文學封疆敷歷竭精勤楚吳粵

客皆湧涕詩畫書名豈譽聞禾錄誰盟耕釣叟

君藏竹垞煙雨

歸耕圖志欲

墓碑我愧殿中君

自太傅以來錢氏四世知交而予未得作墓銘

賃藤忍對街西屋痛憶江東日暮雲

竹垞古藤書屋君扁之曰賃藤詩屋

子嘗爲
書之

覺性送紅梅

偈言點破橫機處
拈到蘇齋畫幀前
故借冰鬚紅蕚影
來參白石瓦盆禪
窓開檻外知春早
人在城東得氣先
淡月朦朧萌拆意
墨池清瘦被詩傳

日本鑒金鏡歌

東洋極島東更東
鑒金上選精洋銅
鑄出團團聚寶魄
雞林進士來詩筒
匣開光可一室照
不與幽凍三商同
背文四出鏤珍異
詫西王母東王公
邊題植田吉正字
中央二篆圓且豐
諦觀題字頗踈瘦
奈此篆勢訛非工
百篇書果載徐福
古文豈止卑蝌蟲
昔聞喬然鄭注獻

曾未別本咸平通邇惟七經孟子校足利本雜明天崇
採到毛家汲古刻那間孔壁金絲宮摩挲精巧器翫耳
且莫驚遠驚愚蒙百金刀肯鏽澀否一笑請質六一翁

石田寫生冊匏菴題

丁巳四月

玉延亭主匏焉繫日作江干灌園計吏部東廂寫書筆
搖作辛夷吐花勢相城老人非寫生龔圃瓜疇感舊情
只傳瀉露霜風意猶是挑燈夜雨聲玉磬山齋未成築
停雲靄靄衣襟綠二老商量對榻來園丁閱到兒孫熟
約齋單溪共賞心三百年前宿夢深誰知天籟閣中叟
笑倚蕉窗破四金

送莫韻亭歸河南

壬辰春識面子方對大廷壬申冬話別子今貳罔卿中
間歷卿貳保釐尹 帝京余忝乃翁友來切詩境盟館
垣同校讐蒿柏共圖形子之齋閣几余之手箴銘忽忽
四十年舊交若晨星子又捨我去歸仍蒿少經髻年讀
書處見山啟窓櫺君家有見山樓唱酬記珥筆詩禮憶趨庭我
詩復張壁夢到第三廳三花樹陰下二閨泉響聽謝郎
守居近時共念我情尊人與謝蘊山同成進士同出蒿蘇齋之門今蘊山嗣君守歸德蒿
陽居士帖千里俱眼青

十二月十九日荷屋筠潭碩士芙初琴南向亭
東卿小集蘇齋適荷屋以所得蔡忠惠茶錄宋
拓殘本來與天際烏雲帖同觀賦此

坡書君謨鬪茶事守居閣子屏閒字蔡書自造茶錄卷
禁中語寫三司使恰到筇枝笠屐間春潮墨擁湖山翠
陳蔡蘇來繼白公茶煙又颺髻絲風丁謂漫教評陸羽
述古惟應對子容後先賜餅潮船夢一笑覃溪蘇室中
我齋筍脯貧不具但有茶甌香一炷嵩陽帖篋楮半昏
古香齋榻裝兼蠹驛壁濰州雪沍時定香橋店無尋處
月上踈簾燭又添覃溪重補可菴函道眼憑枯色香外
書髓那必虞顏叅未須陳家品荔譜且試南屏問老謙

鼎帖

以下
癸酉

昨題書字絳編卷今得鼎刻海及鹹段段皆逢武陵字
何啻權倚桃花潭十卷尾訖十七首山陰帖以前後攬

瓠裝殘冊僅存此墨濃豈辨紗紋簾博而不精陶齋說
澧陽儻與汝海參昔見丙舍雲字記黃庭細楷尤珍函
霜寒摹鈍去千里且極寒亦非出藍竇家未具帶名州
西堂褚目誰增芟南唐北宋迭仿揭南渡踵益哀厨籤
聽音望遠渺焉執尋蹤揣骨初何嫌側想窗光硬黃意
借騁海客方蓬談近來僞作費贖錦假以僚吏排系銜
寸尺偶吐虹玉氣勺水幻作牟尼拈蒼茫却識問津處
墨池蒸動香醺醺

題李蘭卿薇垣歸娶圖

曉辭彙筆 禁扉旁春送花風奠鴈裝一路樹陰交韻
勝滿函詩句載 恩光筵間畫省濃雲集衣上星垣瑞

露香今日玉河橋影綠斑駁歸去紫薇郎

孫嘯餘授經圖

孫登長嘯餘妙意超圖史案上百城書膝前五兒子寫
出授經心可以參畫理庭階作菡圃苔石爲橫几或抱
罈錦函石墨間表裏或持舊卷軸篆籀探原委或手撚
蘼榮爾正窮根抵或佇立研思精微溯宗旨此皆經之
腴環待庭聞啟君第笑授之因材教所視復聞繡襦中
蘭芽踵而起養正自蒙求詰訓該詩禮淵源日深長傳
疏義備矣所以傳經蘊卽君此圖是

自題臨霜寒帖後

昔聞浩翁霜寒跋不以法度窘精神今觀鼎州霜寒刻

精神法度孰與論此帖我聞絳傳似寓巧於拙方鑒真
山陰真書唐已少禁堂褚目曾未聞誰知黃庭樂毅外
妙緒一髮畱千鈞此幅鼎蓋出於絳但有鈍拙無光新
武陵花源覓倒影黃庭小字焉比倫真鼎無由問真絳
笑彼摹出吳江邨邢董同盟揚不棄覲並樂毅黃庭陳
所謂霜寒右軍者冶態效盡東家顰黃庭訛沿宋翻本
顧乃傳會唐摹云樂毅亦遭張丑識餘清齋黃庭卽顧
其樂毅論亦爲張丑說破是宋井脫失廿一字者
後僞作而董皆目爲唐臨也 問絳問鼎真先民迴看
鼎刻雖太拙尙想指火於爲薪晴窓偶揭廿七字竊拊
欲抱枯槎根吾寧守跛弗貌駿嗜甘豈得專非辛推諸
樂毅畫像贊以質官奴王敬仁他年儻更真絳得什一

右軍楷則循印合涪翁品書品不虛櫂艤漁家津

雲泉山館爲張南山賦

廣州城北雲泉館張子索我雲泉詩白雲濂泉我未到
八年吟望恒於斯遠追坡公訪信老自尋雲外泉出時
近憶漁洋贈範衲聽泉來叩安期祠百年前記蘇詩石
石題亦勒崔公詞我別粵東金石遍竟未訪得蘇崔碑
臨別白雲若迴盼又四十載詩夢馳詩翁逸客今選勝
買地一攬雲泉奇倚山臨礪結亭閣衆綠飛起珠江漪
環碧之樓拜往詰得非菊坡書室基蘇崔精靈尙來往
且莫遠問泰安期菖蒲笏竹襍礪翠木棉花風交荔枝
他年蒲礪補山志月坡雲逕連軒池重立蘇崔題刻石

漁洋詩或鐫並垂八年未到俗客耳我詩焉用疥壁爲
礪香正發紫含笑愧答優鉢曇花師

日本煙雨圖

東海誰教西域師空濛幻出氣淋漓何嘗弭棹瀟湘渚
却識房山學虎兒

張芑堂畫蘭

道人金粟虎頭癡神到蘇齋論篆時左筆斜來欄雨外
誰將飛白勢傳之

芑堂號金粟道人工飛白

石士見示蘭雪遊武夷近作

山中悟手書自擬換凡骨憶否還丹誓誰與課日月笑
寄同學侶鬢容改綠髮豈知海東人蘇門竚蘭雪

今春高麗

使相沈君問蘇齋詩弟子
有吳蘭雪者可得見否

東卿伐石選工就吾齋摹鑄禮器碑陰末山陽

金鄉小隸一行

此碑書人七鑒藏家未見或云書後續或言體屢變豈

知石鐫名山陽金鄉縣曜奴者誰歟序銘藝獨擅尙在

中郎前未附劉劭傳

三國志劉劭傳注附漢末能書諸人

若懸師宜帳何

減張芝練自成一家法合居七人先次則碑左側力可

象光馴再次增書者鬱律奔雷電鍾梁皇象間駿騁誰

及跂杜歌丈人行俎豆誰馨薦東京風猶古不著書與

誤瘦硬通神義如何墨池選我遊戟門下望古徒牆面

側膚格極邊圍雲飛變眩千載書家始記此苔石片

輓孟時帆

鎮堂詩弟子海濱讀書齋兩世論文契誰同感舊懷龕
畱褚中令屋卽李西涯忍憶題名石吟聲在古槐君前
後官
最久

石谷小幀

白題丙寅正月寫
高齋出林杪句意

林表誰憑疊翠眞青山白水淡傳神畀煙未敢題崔杜
似效倪迂不畫人杜句是坐字此寫韋句耳或以爲寫
杜句者非也

題查聲山書嘯賦

自題云康熙庚午二月孤山
馬當舟中倚舷長嘯書此

書追畫讚黃庭上人在孫登阮籍間恰到馬當明鏡裏
半厓仙鶴響空山

查篆仙廷尉八十壽

二瞻名重查田句

梅壑八十初白有詩萬卷樓追癸酉筵西黃龍

圖先生

愧我忝隨鄉社侶羨君真是地行仙

君健步勝於我世

家縻戟經猷接篆繡堦華印藪編梓里於今儕輩少新詩應許老夫傳

新城陳氏園圖卷

新城陳氏南昌園五十年事誰共論百花洲外不數武記我竹間來欸門乾隆己卯秋榜後張學使

拜展

作主司

酒別館招來南浦雲使車穿過東湖柳亭際盛達木芙蓉亭下環堆石翠重短橋響已成飛瀑小欄青欲滴西峯何人分隸募鍾梁他山之石水一方夢想至今仍健舉瀕行猶若戀林塘唱酬者誰錢司寇竹石熊生來話

舊縷記陳家卜築時同輩誰能識遺構我去南昌三十
年持節重艤章門船秋深憑眺一再訪歲久廢址無人
傳陳家積厚久且長花木氣盡歸文章監司郡守聯翩
起今日詞林又侍郎名園自古有興廢方寸良田日澆
漑詩書耘圃發深根矮榻留貽計年歲建昌試院坐號
木板陳氏歲加
修治至今院
吏能言之卽茲園可代箴銘顧我方慚說使星根本
知從矢忠孝栽培不是炫芳馨楹帖重新開墨沼譚錦
憑誰謀畫藁蘇齋豈漫寫遊蹤陳氏子孫恆世保

辛鼓殘字摹石

辛鼓殘畫泊車工玉泓館摹與我同薛潘諸家未之及
圖釋力竭懷忡忡相傳剝蝕無一字戟門右側空面東

昔年西廂課餘暇捫參歷井來尋蹤石膚森然吐芒角
馭走上忽光熊熊向來拓手迅掃過全石笑比圓潭空

我別紫雲武闕石倉精業仰包犧崇遯車證之甲鼓首

昌黎所以籀史通

武梁祠壁石刻畫像銘云伏羲倉精初造王業卽此甲鼓王字也或釋王

業此鼓此字儻津溯若衡若矩其均鍾古之寸黍皆律

度何幸雲月開塵封韓歌講解豈虛語朱考漫依薛尙

功我未釋文先審篆且試硯璞勤磨礱纖纖缺出庚庚

理氣已大野蟠長虹拾其奇零丐其益日進璧沼鏗鼓

鐘葉生篋更廣箋釋迪我小子俾啟蒙

國子學生葉志說翁樹峴同摹

上海顧家銘勒後補遺直到葉與翁

題高麗鄭謙齋孤山亭圖

謙齋名歡字元伯百年前高士壽過百齡

東國有黃
大癡之目

篋貯新羅絕境來孤山亭嶂點皴苔誰言鄉樹扶桑外
亦有漁舟島嶼迴知並倪黃高士品能同蘇米墨綠開
西園嶂憶停觴語名動鷄林未易才昔兩峯於蘇米齋
仿西園雅集圖高
麗朴次脩同賞坐間周
山茨有名動四夷之歎

爲雲泉館題清湍修竹扁

宛追稷序共羣賢意到馮湯趙葛前水影搖空山翠活
天然眞帖是雲泉

吳石亭衡藝圖三首

匠氏運繩墨矩與巧孰宜與子盟苦辛贈言廿載前多
少精微質相望雲樹邊令子捧篋來忽以畫圖傳

送君役皖江追惟歷亭諸商量羣籍深大海始一勺緬
惟徽文公儒林振鳴鐸百家程鉅規萬古準繩削邇來
嗜異徒高談外濂洛詒訓與考訂非徒附影掠寧甘諍
臣乞勿蹈偏規錯持此隻尺懸庶發瞑眩藥披君衡藝
圖重我須友約立咫尺佇蒼苔岑感寥廓昔送石亭視
安徽學政序
深言近日學人每侈陳漢學以駁程朱其有宋儒
不深考古訓處寧力諍則可而嗜異則不可也

吾門三學使姚曹與君接斯文量尺黍計畝論餉餼兒
子嗣書香詒謀富箱篋江上風雨來耘圃響秋葉吾所
得土

視學者稱者姚雪門於湖南曹儷笙於
河南及君而三矣愚皆有詩致勉之

野雲寫萬柳堂橫卷寄芸臺

去年尋詩處東皋綠初蒨迴廊墨壁字已黹鸞子泥禪

人記茗几阮公連歲題宿夢畱城東昨緘來竹西江南
春雨後憶此花農犁山坡高閣下坐臥壺榼提纏綿水
鄉語樹杪斜陽低我訪舊書窓釣遊跡欲迷阮公來和
我欄凭菜花畦俱入朱老畫後先童冠攜旗亭畫壁唱
高薛慈恩躋併將詞場述寄尔禪榻棲三硯齋頭月又
吐垂楊谿二十四橋水影動青玻瓈

漢熹平石經殘字裝冊歌

吳萊得見魏公本資州傳是漢刻平石熙明家越州帖
孫叟珍作熹平摹此非會稽洪石蹟小蓬萊借題經厨
吾齋錢郎及黃九後先響答鼓應枹十年兩地殘紙接
其一硯背光如濡

學而篇五行

竟可料度講堂壁慮虎銅尺

銘建初四十六碑堂十丈洛陽想見東觀儲爾日書丹
据何本禮堂之寫功焉如鄭君生後許南閣山巖屋壁
存故書許師賈逵本古學鼎彝詎肯傳寫殊八分仍自
二篆出韋編漆簡尋川涂中郎鈞深祕儻在寥寥一十
三段餘劉球婁機一再仿下與韓蔡論操觚吾滋懼者
嗜異輩偶撫目見侈補苴慎之慎之云復古博則取益
泥則誣班諸岐陽周十鼓森若東序龍馬圖日月中天
星宿海敢以隸勢量一隅切勿儕居蟲鳥篆昌黎已誤
稱鴻都

石經與鴻都是二事其
以石經爲鴻都者誤也

送宋芷灣出守滇南兼寄懷顧南雅學使

正敲蒲礪竹泉詩忽指蒼山洱海期勉荷

主知芸館重飮聞地切芾棠思

每聞礪堂說演省官民相得

必資經

術新猷出莫僅吟懷舊夢馳對話東吳顧文學蘇齋磨
墨雪窓時

題古器欵識冊

維古器文不易得傳者大抵多仿爲就其仿者最奇古
重以暈碧苔華滋量譬鼎腹發光怪徃徃不減商周遺
舊稱欵識王與薛薛尙功錄名尤馳圖寫十鼓已多誤
遍徵三代夫誰知復齋所拓三十幅畢少董以青牋治
間以歐劉呂趙釋博考古猶然疑復齋此本阮公得
吾齋借畱逾歲時阮公持歸繪橫卷几案青綠皆尊彝
嫺嫺館藏拓又積贈我七十幅倍之亦有鳥蟲閒蚪

襍以螻蚓蟠蛟螭傳之好事廣鑑識何害句倨差毫釐
最訛無若焦山鼎王朱皆弗敢置辭昔年偶因石本按
悔爲撰考何由追無專世惠調說耳藝林競播漁洋詩
籀書斯篆漫引類吉金銘刻皆可施邇來嘉興張叔未
阮家器文彙潭池揚州秦君漢陽葉時來吾齋手共胝
我不欲同焦鼎擬竊嘗挈審窮鉢覩金壁釭與鄭注合
黃山鐙已薛跋喙苟裨異同訂經史附諸詁訓非虛欺
又思王俅嘯堂集首尾穎出沙畫雖雖聞蝌書躍水似
豈至蝦肚尖鋒垂歷觀欵識殊不尔定知傳寫增濶岐
此雖摹本可神會要取真氣懸衡規吾每忝量復手楊
廿年前語錢辛楣今展受笙陳子笈精選剝盡焦鼎疵

黃山鑑亦張子贈盧虎尺就吾齋師吾齋裝冊意且俟
必度筵几循堂基但勿傳會強詮解徐歷參井捫甌維
斜長圓曲勢不一寒芒正色方仰窺不救處處憑已臆
恐有真宰來護持喬雲寶月照函席硯泓碧樹珊瑚枝
陳子葉生對甌茗俯視一切巾箱碑

儷笙以芝軒贈瑞州試院拙題東軒石本之作

見示奉答三首

東軒詩話圓通偈重到蘇齋茗碗間消得硯屏連夕夢

雪崖天半對睂山

數日來論次漁洋所錄二蘇
七言詩故用義睂山天半雪語

量才種樹積經畬不比東軒作記初二老憑拈千轉語
廿年又到兩尚書

我因詩境畫東軒綠雨蕉衫瀉竹根今日鳳梧千仞上
墨雲重覓篆煙痕

再題石經殘字四首

一字訛從董廣川我摹黃後又摹錢料量洪石蓬萊約
宿夢追迴四十年

仿像龍圖晉玉藏開元小印篆焚香蔡邕趙臧堂谿典
東觀西臺認洛陽

礪石蓬萊歉未全越州海綠莽空煙只將退谷孫家比
粗識華亭祕笈前

併勒南州又越州

予嘗勒石於南昌學舍錢樵谿又嘗勒石於會稽學舍

婁機翻

樣乞劉球

婁氏漢隸字原所摹字皆從淳熙隸韻出

何妨借說參三字宿海

崑崙一氣收

鄭繼之手書詩軸

誰言得杜骨僅以感時篇墨有寒濤湧詩寧變雅傳此
中真逸氣空外尙迴旋激宕關山北長歌響浚川

蘭亭考鏤板成二首

趙游三十三年夢甫得羊城八卷鐫却縫濶行真拓本

幾時纔識畧僧權

黃長睿云第十四行特濶者方是真也趙子固游景仁皆有三十三年得

蘭亭之語予自初見落水卷至今蘭亭考八卷刻就亦恰三十三年矣

湍無損筆竹迴鈎粗記前盟薛與尤昨日偶題蒲礪館

墨緣又續種蓮洲

適爲蒲礪新築雲泉山館書詩湍修竹扁而此考刻成亦有綠也竹左迴

筆尤延之語

陳章侯梅竹

岳墳春暮廿年前又到孤山載酒船一段空煙梅竹影

神來尚挾董飛仙

此幅是老遲四十許時作故用其西湖畫蓮事

題劉後村所藏俞壽翁五字損本蘭亭二首

鼠鬚昏影渺難攀想像沖融裊窈閒幾箇親從薛公子

譙樓墨響共中山

翠崇三點又雙杈得認亭陰與渚涯只好評量悅生匣

南充游侶相君家

小忽雷歌

款云臣濕手製恭獻建中辛酉春

我題海光樓卷後慮虎銅尺及此三想見岸堂邗浦夕

把卷對酒春風酣雖殊劉歆銅斛律尚壓詞場石邨筆

孔東塘海光樓卷
從子衍棧石邨寫德宗未幸奉天前韓滉初使西州日

巧工劃破紫石聲玉壘老樹蒼龍精海潮吟蟬

二琵琶名

不得六么六引翻手成兩行小詩牙軸首淒涼九百十
載後一聲冰鐵石室閒後車欲酹何人酒建中之春去
幾何中丞女官數大和山山薑又王蠶尾出塞曲寫樊
花坡揚州詩夢俄飛電黃葉秋深蜀岡讌爭遣東塘樂
府傳小忽雷與桃花扇

朝鮮畫南極壽星軸

南極老人圖東海居士筆海氣夜澄空神光注丹室是
乃真有見星精來太乙炯炯藜杖端作作派南山寫之
寄蘇齋詩筵仲秋秩團團海東雲正照樽桑日萬丈垂

光芒寶炁皆芝朮金石聚紫煙是何幻祕術

李委吹笛圖

穿雲一曲橫江笛只乞坡翁幅小詩誰識蘇齋窓月影
長留石壁鶴飛時

蕭子雲帖

山陰官奴帖蕭阮頗臨習蘭陵侍中楷每覲沫得濕山
陰昔臨鍾飛騰苦追及還示與丙舍焉可形體執列子
天瑞篇南唐竊村拾僵癡近千年眠蠶閉蟲蟄尙賴宋
鑄工復理閣前笈梁家虹檣芒庚庚森起立豈無策偃
波仍含蚌珠粒楷則與隸勢氣合無層級南徐廳壁字
側掠來拱揖收之寸分間儻有鬼神入於此叩知津官

奴付什襲以規力命表何羨鼎鑪涸咄彼邢董輩江邨
瘦瓶汲滴乳淳淥光飛起金盞汁

復初齋詩集卷第六十六

大興 翁方綱 正三

石畫軒艸九

癸酉八月至
甲戌五月

大令昨遂帖

古人論篆勢以神不以形秦漢刻雖渺猶寓於真行山
陰祖周鼓傳神乃蘭亭大令昨遂帖涪翁有心銘勝母
里弗式豈不誠趨庭正借聖壁勢識爾循牆經創艸破
正意疎密閒縱橫槎枒硯間真宰遺其精尙闕別悵
字不奉下別悵二字舊尙存半未遑半裨爭摹鑄已如此逸氣想崢
嶸肯隨良常說概以專謹名我審淳熙拓允愜山谷評
牋素雖敗逸啄策仍飛驚準此量石墨奇觚懸日星得

假義獻蹟籀斯遠近程代斲璿題榜以喻汗簡青

淳熙脩內司帖

脩內司帖邵彌本補臨粗及十卷全既殊初白偶失攷
亦非簞林所誤傳準以肅州初拓弓訝似一石同摹然
雲林疎拙果善品研山朴氣真忘筌紹興雖有曹監石
銀錠櫃久非初鐫淳熙甫追東木刻舊聞已近二百年
淳化壬辰至淳熙乙巳一百九十三年 尙餘開國淳質意等量屠尼油素

箋蘭陵侍中具鍾體梁摹法想官奴沿獨此諸家搨所
讓蕭齋一字神猶圓氣凌肅摹工什倍遠跋畢賜膏流
涎一波一策悵今古十步百步勞眼穿長洲諸孫目論
耳故家門閥喬木椽明賢學古不考覈但取氣格凌星

躋翁林苦泥第九卷賴此祖本居其前

蕭帖所刻第九卷別一本也此

足正

之

自餘摹勒互同異重儔誰與評差肩一藝問津艱

若此何況傳注承拘牽取冠吾齋肅帖攷儼若鐘律筍

簾懸皺痕驚倒石友拜淨名異氣來米顛

此米家第一石文從簡跋

語

乾隆癸丑翰林同年雅集圖卷爲潘芝軒司空

題

昔摹蘇米西園圖事與鴈塔同年殊及見茶陵同年卷

又不盡爲登瀛摹

嘗見李西涯天順甲申同年圖卷所繪不皆詞垣也

憶我壬申

館課暇王家園亭齒席俱或臨清流或倚石笑語擬約

錢石與盧

抱經

宜貌橫卷并序詠歲月易去誰追逋轉瞬

一十七科後潘公殿撰來東吳又二十年重寫此公屢
持節旋輶車司空位望領羣雅同年內外多遷除開卷
仍偕館垣日花風佩響鏘瓊琚瀛洲亭南對窓啟祕閣
方藏四庫書玉河水照襟袂綠石欄點筆酬唱初直以
歐虞並冊府而合蘇米聯江湖門牆有人作米記鼎彝
氣合松竹梧他年此蹟重吳下玉堂典故條冰壺求和
禊集亦癸丑有此二十三人無何用米畫仿紈扇嗤我
嚙墨題寶蘇

題七家合作歲朝圖

王翬松楊晉梅虞沅水仙
王雲山茶徐政天竹吳芷

長春顧
昉紫芝

交枝接葉濕莓苔不費天工繡段裁殘雪半窓燈影下

諸君笑語帶春來

龔半千畫

借問半畝園苔石誰位置
滅齋老子詩未拈第一義
鍾阜繖峯間磊落空蒼氣
淡無塵事接所造乃幽異
欲窮北苑旨粗賞清谿意
寒山拾得禪鐘起前山寺

呂廷振花鳥軸

意在輕鈎淡染初
踏枝翠倩曉風梳
橫斜畫檻松杈夢
記借窓光論董書

寄答穀人蘭雪兼示石士芙初

葉宋分符去書來
覲二吳離懷頻欵欵
冷癖笑區區祭

酒題斑管

穀人自言好作長短句

佳君面蠡湖

蘭雪主鹿洞講席

江山憑

秀異鉛槧計工夫古有稽經律今誰大雅扶
羸糧翹健翻叩機審脩塗疇昔飛騰意精微
印得無何時重滌硯坐雪對操觚莫恃林泉
暇難追歲月逋陳劉吟席接慚說小齋蘇

華蘗石小照

其嗣君冠所畫

閑生畫乃翁畫得夢之白寥乎江漢間煙霜挂寒席華
君畫乃翁畫出蓮之心澹焉二泉上風露傳幽襟我仿
率更書如盟二泉酌夢到東山藏來尋劒光閣

藥石嗜摹歐書

自題廟堂碑城武本

虞碑近取虞文徵定陶河決剛未稱王彥超摹孰先後
二本就可唐本憑我來曹南咸壬子十手昇致開櫟芳

苔花三日淨帶洗竹窓半快
歛雲蒸畫淺不敢濃墨試
淡煙篆起聲登登篋歸十
未裝櫝始覲唐本古錦繪
昔者退谷珍祕笈然否茂
韓家勝或云城武與陝雜
城武與陝非其朋義門評
此太枯瘠但羨陝以圓腴
矜唐本昔賢罕著錄月峯
前蓋涪翁承誰言蹲注近
歐法絕去險峭神淵凝山
陰棐几不傳祕絳霄寶月
霞千層摹到此本鳳攬切
惜也瘦影神藏稜視彼陝
摹再加緝誰喻心苦三折
肱退谷義門號精鑒內史
銀印覩未能此本摹鐫無
歲月當俯陝石如昆初吾
嘗厚量寸僅四安得曲阜
堂階升峙諸戟門漢隸上
深簷覆護煩掾隕萬古斯
文仰构建百代晉楷爲傳
燈唐本無人更摹石

偏傍畧表虔豆登世間別無虞戈訣舉隅以識真永興

獅圖爲陳石士題

西齋洗馬記康熙十七年八月大西洋國貢獅事

西齋談獅作掌故遠跨永興東觀賦睽睨雙睛側十步
心餘詩筆作獅吼雄辨肯落西齋後怒欲挾石酣杯酒
三十年前兩同年爲爾海外奇毛傳陳家壁上風軒然

倪文正山水小幀

倪畫推逸品彼僅擅一藝誰言幅緜素磊磊軒天地鳴
呼此倪畫思貫天人際指端淡林霏習中浩然氣艱慘
衣雲閣千巖在襟袂收之隕麋光默坐養昏翳蕭寥空
闌間可以參彖繫苔石青相守觀物以喻志見吾杜德
機知人可論世

紀文達洗硯圖

皤皤黃閣老
戔戔鼎彝器
蚤歲獻王宮
詩禮富根植
卯秋舉首時
硯席忝鄰次
半夜吟歎聲
千仞雲霄氣
戌春來登瀛
浩闡芸閣祕
煌煌

帝文照四部
森起例柯亭
劉并問墨沼
爛金匱相與
觀本原徃徃
發幽懿二陸
各何在尊羹
憶鹽豉何如
手石

盟正寫同岑事

同纂校者陸侍郎費墀陸都諫錫熊

橐筆上薇垣
薔露猶

珍筇

公在內閣票本小硯予爲題曰薇垣盥露

九十九硯齋
泓然邀月地
老

屋古樹窓岸
舟題米芾

公齋扁曰岸舟汪文端公書

畫幃茶煙颺
張

侯澹相對此
幅張再摹軸
就邗江寄追
尋謝樹語重
滴蘭陔淚家
學崇堂構藝
圃深澆漑是
卽庭訓傳奉
之勿

失墜庶令拜像者音容覲精粹不虛覃溪題畧肖平生志

答錢梅谿寄所刻坡公偃松屏贊兼寄墨卿南

山二首

前身記對松屏案同作羅浮道院僧不是親觀搖醉筆神追古絹幾人能

老守年前憶惠州南山結伴問羅浮書來似說錢翁軸

袖有松濤萬壑秋

張南山主講惠州作羅浮之遊適得伊墨卿書語此

題丁小正歸耕圖

不爭挂角讀書圖博帶休矜兒大夫且說丹黃三百卷

何如煙雨小長蘆

小正校正經義考有補前賢所未及故用竹垞煙雨歸耕圖也

得借廟堂碑唐本以校舊拓城武本因論虞書

三詩

多幸鍾梁隸洪婁未改圓虞碑無二種陝刻近千年

合應知此經生尙勉旃開成摹不得嘉祐祕誰宣

唐石經學

虞書不及宋石經之似虞

宋學理精專唐碑漸變圓說經卑訓詁行楷競便娟每

惜曹南刻無人曲阜傳千鈞一髮繫賴尔玉衡懸

反及寧形似癡於說篠驂皋門居豈近素帶句誰諳弱

楷描吹萬奇聞對在三客來援左注笑殺杜征南

此碑金冊

句上反字必有關文顧寧人以爲及字猶如玉藻而素帶句鄭以爲脫爛其上必有關也陳澧遂以移接上文漢隸皋爲罕惠棟遂謂澤門之哲卽皋字適有友說左傳人盡夫也援杜注天字欲改讀人盡天也近日考訂

家可笑
至此

商邱宋氏舊藏廟堂碑城武本二首

自是神圓豈貌圓真形故在陝碑前天教瘦影河濱出

張壽鄰來四百年

元末定陶河決得此碑與漢竹邑侯相張壽碑並在城武縣學

巧為春湖配寶真即憑濕墨也傳神西陂籤記佳公子

蘇像筵前侍坐人

宋蘭棣印

捧石讀畫齋詩為吳南鄉作

以下甲戌

玉山艸堂石蘇題接米拜柯後孰蘇米印此竹石派今

之吳仲圭盆盎江海對前生顧家園未了詩畫債鐵穎

達御史磊磊錯金雞俱是袍笏氣淋漓吐光怪我為題

捧石意在詩畫外是乃詩畫禪石丈點頭快請下一轉

語石丈盟言在併收印人傳蘇齋作詩話

會稽內史銀印歌爲春湖宗丞作

會稽內史銀印章書家寶傳晉到唐求和不記貞觀記
書碑特賜著作郎書碑事非稷序比國學孔子之廟堂
此印篆與碑楷照徹天寶氣金煌煌楷書萬古碑萬古
右將軍助虞戈鉉篆丹不傳傳楷墨楷墨中有丹篆光
何假求興節度欸眼稜面鐵琅玕王定陶之石無歲月
龜圖馬負知何祥當時此印初賜出紅鈴墨拓傳四方
惜此墨本不可見跋語僅得分寧黃後來此印傳印藪
玉箸如覲古錦囊又聞謝表勒法帖臣世南語拜載颺
幾見孫鑛王世懋桓厨筆述韓存良今者蘇齋一几上

唐刻特表康里藏復以陝刻城武刻舊墨舊楮參頡頏
更無書家故事擬只有此印堪譜量併摹此表於幀首
削紉裊窈斐几香遠師祕監贈司馬豈遑舊蹟言之長
我今賦贈李公博臨川墨沼所未詳君家夜夜虹貫月
正到石墨書樓旁

元康里氏所藏唐本廟堂碑內有移複數字是
從本帖錯出者羨之題二絕句

千金若準黃詩例此帖如何倍賈沽抵鵲荆山非異事
家家竟各有隨珠

東綰鵲溪果有無韋侯且漫掃松株鄆州笑問貧兒女
乞取天吳紫鳳圖

漢陽葉生摹泰山秦篆刻石

烏絲幅削山岳形向背離立如列屏學易老人秦篆譜
岱頂目欲追千齡上蔡獵師牽犬罷狂飮肆來焚六經
殘編脫簡綴不得絲竹科斗淒魯廳嗟爾刻石亦遭燬
區區篆畫殘矜妍顧惟書師閭里合胡毋博學誰模型
倉頡之七爰歷六籀篇仿像餘奇零琅邪字小之果失
獨此五段辭猶聆芑公充公拾又補爲尔璫蠟車屢停
山西北東轉南向界行邇迤中絕陁行踈密與畫肥瘠
我嘗上下剖渭涇於秦篆溯周十鼓若啟堂戶窺窓櫺
寸尺以差度濶狹肯執瘦細爲畦町此譜懸諸篆刻例
廣川跋較非逕庭圓鐫鵞鼻如小指姚令威語天不局

壽之漢江禹廟壁遠勝甲秀廬山廷蘇齋葉子共手校
歐劉氣合荆日星迴視壁間廿九字濕苔墨湧羣峯青

又題詩境石本三首

放翁晚對鏡湖書正是詩招傅穉初一筆長風來萬里
平生煙水遍舟車

方君三刻闕眾尊然否唐堂得細論黃唐堂以詩境自號意其或見沿溪
石卽境始能超境想詩家到處是尋源

直懸橫揭扁耶銘此二字韶郡直刻桂林橫刻嶺與峯看合眾青主

客圖兼聲調譜說詩元不是真經

近懷二詩

王生治戴禮意不屑訓詁劉錄逮隋志篇目誰楮柱魯

生有遺艸書傳緝良苦選鍊存糟粕精微孰詮補淮上
緘屢馳麻源記難譜焉得凡案問一源窺萬古近約辛
陳子念結王與魯微雪點研池春陰起庭廡

錢公詩之心直上關莽蒼實境納諸有頗亦覘所養蔣
君攝物表尺寸可尋丈意薄攷訂家豈虞侈柞響如何
王朱後經說唐宋仿木鷄中有侍銅弦外彌賞近懷吳
樂生共論錢與蔣簾風動苔岑日切春筠長

錢蔣石齋名木鷄軒

蔣心餘詞名銅弦集

剖股圖爲桐鄉馮母王孺人題

剖股何以圖事隱無人見家庭莫能傳焉得畫手倩一
刀一羹盂一几丹誠薦誓言此血肉母病亟回轉手自

調爲羹等之常視膳几孟旁無物默禱虔哀戀耿耿星
月光香煙裊一線直上訴青宮鑒此心一片追此真境
出落筆爲膽戰此畫此題詠抵寫孝女傳浙水今共稱
馮家王氏媛

寫韻樓畫冊

石門女史吳玖

秀水吳江亦二吳不曾寫韻學仙姝欲憑笙鶴真風露
幻作徐熙沒骨圖

秀水吳素聞吳江吳含五皆近日閩秀工畫

劉完菴古木寒鴉

自題云屋後烏聲多因知有嘉樹天順三年冬仲

意在文唐祝沈前同齋借畫夢依然空濛詩思昏陰外
淡到寒鴉夕照邊

此幅頗似馬抑之所臨沈同齋藏元人雜樹卷

羅鐵研梅

冬心師法成家法煮石農叅柏葉禪我說梅花稱鐵體
一聲笛起晚江邊

又題廟堂碑後二首

北堂鈔書手東觀親祕笈熹平石經後儻有舊聞及金
冊玉弩上安必無綆汲此闕在何時宋石已再立馮審
以前本渺無片楮拾唐初事已遠何況經義執孔疏陸
釋文爾日篋同襲拜緘銀印時堂階墨猶濕

陝石城武石皆署臣世南於惟楷畫正夫豈姿媚耽陝
刻漸圓逸習者矜墨酣豈若城武摹尙餘質味含或以
枯瘠病實未舊本諳我今審唐刻灼此相追驂尙見昔
規型問禮官稽郊盍植曲阜廊趺並五鳳龕萬古仰斗

杓兩廡蔭松栟曹南一邑庠牆陰久昏潭安得告職司
嗜古非空談東州憶于役兩載夢尙慙耿耿矢願言此
事誰荷擔

李唐采薇圖

石間小字二行云河陽李唐畫伯夷叔齊

西山蕭寥冰雪冷兩人相對形與影薇蕨半筐孰記之
萬古此心長耿耿臨安畫院稱李唐下筆樹石皆青蒼
爲誰氣節砭頑懦神往周初貌首陽首陽山下孤雲飛
浩歌志欲黃農歸東海幽栖畫不得只合荒涼寫采薇
此薇根是商時植尙有空山逸民氣摘取聊充激烈腸
風前灑向思親淚叔也半面危苦顏伯也正坐摹尤難
飢餘久矣色如菜遂志命也全乎天中有忠君殉國誓

目眦骨立神凜然尔當南渡屏守日焉得見此形神全
欲傲昌黎太史遷作頌作傳筆所不能傳二百年前贖
錦素何時篋向嶺南去嶺南藏又過百年苔蝕蟬涎不
能蠹莫輕八法衣摺皺賴此數筆撐乾坤敢將論世尙
友例矧作尋常圖畫論

仇十洲裴几齋清舞圖

嘉靖丁巳秋集周公瑕裴几齋卷後有公瑕詩

張伯起賦併詩又袁魯望彭隆池陸子仁詩

周郎昔築裴几齋意擬逸少門生儕東吳筆妙文徵仲
玉磬山房百五才丁巳之秋秋夜讌畱髡達曙傾金疊
至今仇卷誇霓舞不是徐詩響落鈇妙舞神來皆筆妙
衡山已老伯起少

時衡山年八十八周公瑕四十四張伯起三十一

隱囊慵倚

六止生驚鴻翩起眸光照勿謂晚來一束楚正對花影
相拈笑窓中畫出主人心錦茵肯僅憑欄眺裊窈煙橫
緒縈結低昂拍按絃清切羅袖輕飄艾蒹香穠稔斜轉
梧桐月每到紆迴頓挫閒悟來振押鉤挑訣松風礪水
寫不成激楚陽阿倩誰說蒲葵扇却稽山姥鼓缶道人
何處鼓臨穎美人弟子行那記張顛艸書譜三椽竹屋
半禪叅張伯起號鼓缶道人又號半禪一曲吳閭新樂府盡將紅絨紙
閣談寫作公孫渾脫舞如此門生撫右軍不勞道士費
驚羣滌餘墨沼流雲皺嚙向竿欣白練裘掌上欲畱仙
起語歌聲尙遶畫梁塵誰言誤曲周郎顧我作衡山筆
勢論

禁苑鶴鳴圖爲伊墨卿題二首

追慕禁直地崇深占取中孚鶴在陰入侍星垣看曙色
趨承庭訓切官箴衣裳啟笥彌增省忠孝傳家祇寸心
霑渥清高金掌露合來崑閭共揚音

嘗謂中孚九二爻辭爾我不必分屬

應爻言故借此證之

晚年視膳住江鄉戀闕依依話倍長坐立無忘天咫
尺班隨盡寫

帝恩光借添晷刻紅燈影畱與兒孫畫省香他日閩南
傳故實蘭階卽是鳳高岡

漁洋山莊圖

康熙戊寅夏王翬爲阮翁作

散人自憶慧車子何以妙寫漁洋山山人爾日西臺長

茗甌初不遠市闌鳥目山頭鐵笛起谿堂谿響鏘珮環
畫山何必山中人意所到處天不慳帶經詩思卽畫髓
寥空結構澹以閑山莊拈出奧曠旨一碧渺際漁家灣
濛濛嵐影斷雲外水光澹沱浮煙鬟法華米堆望不定
數帆遠襯青瀑瀑山中梅花倚修竹香靄深入蘭蕙間
散人正卜理歸棹五湖帆挂誰追攀却爲先生寫畱此
彈琴坐久林月彎山人詩思豈遙託山莊果否營茅營
我悟先生詩品在此境已被詩追還雖異夫子蠶尾近
安知先生今不居其間嗚呼安知先生今不居其間

嘉慶甲戌四月

賜加二品銜重預

恩榮筵宴恭紀四首

再叨

寵綽陟崇班重燄紅綾倍醜顏畫漏喧追徽省直春葩

穠沐杏林攀

王申會場在九月今始得預春闈筵宴

撫言故實科名忝

錫福優加歲月閒經術文章無寸補高深何以對蓬山

陶詩俎豆韻猶傳

乾隆甲戌四月庶吉士散館緒譯陶淵明桃花源詩竊以俎豆一聯蒙

聖恩板置第一愧廁詞垣

早二年塔記同登排鴈序科逢周

甲看鸞遷齒行坐儼聯金榜名帖函教品玉煙紅藥朱

櫻花照酒執經憶共海昌筵

王申甲戌皆海寧陳文勤師主會試時在師寓齋與

甲戌諸君誼敘同門正今日甲戌預宴兆也

崑圃門牆綴末行及聞重讌拜

綸章敬維桑梓淵源近每溯申轅詒訓詳先大夫受業於黃崑圃先生
生崑圃受業友益成科才最盛經厨甲觀話初長癸酉
於漁洋先生甲戌問借書於黃氏萬卷樓早同高薛慈恩句月舫燈毬漫比量乾隆
氏萬卷樓楊以著述名者若紀曉嵐朱竹君錢竹汀王西莊葉丹
穎王述菴王穀原顧古湫范薌洲餘所未識尙不可枚舉

老病人扶態可憐衰遲九叩

賜筵前題名敢擬儕梁顥壬申同年梁山舟今年九十二圖卷應添繪

鄭虔鄭東侯今年八十舊侶星迴科廿八新英風擊水

三千昏眸澀怯同霓詠東里多慚潤色篇儷笙爲撰詩序適因補葺

漢張遷碑今所闕東里潤色四字以銘友人所藏鄭子產碑軸兼寄東侯和之

是日讌次復得二詩

達海文辭麻虎楷

國初翰林學士達海巴克什前輩繕譯最著稱者內閣中書麻虎工楷法

王申初入館時得其手蹟裝卷甲戌夏以贈朱春圃春圃題其卷前曰逸少蘭亭

梁家北牖鄭

南窓馳懷千里仍如對畫幀重題恨不雙

鄭東侯擬北來是以欲作

二老重識

舊第改門成旅館連床磨墨共晨釭斜街六

十三年夢緘寄山西憶浙江

詞林典故重儒紳醺賚承聞

寶墨新

同讌時有述乾隆庚辰中堂詩庚戌

賜嵇中堂聯句黃史嵇家

應著錄梁姚趙句孰鋪陳

丁卯重讌鹿鳴梁山舟有詩庚午姚姬川趙雲松詩皆未

見門生撰序來綸閣女壻掄才對主賓

今利蓮府壻主會試是日以少

宗伯定保撫言詩話在爭傳甲戌接壬申

仇十洲觀榜圖二首

一聲驢唱下丹墀十里斑駁簇綵旗他日曲江僧塔句
幾生合掌佛名持喧憑旅館挑燈夢寫向寒窓對酒卮
多少風簷辛苦者素心檢點課兒時

金花帖子墨猶新捧出雲霄耀鳳麟風送江湖傳好語
日華厨醞譙加珍豈爭觀者稱名事要作朝家有用人
二十九科飛電過重揩老眼汗沾巾

葉雲素員外移居二首

葛洪丹竈孰爲鄰東野移家未是貧菜竹堂書應補目

山薑壁句記前塵君生年月日與山薑相似門仍次道春明宅膝

有歐陽著錄人倚檻虎坊橋外月晴川何減照清鄰

索我來題子午泉片後井水子午二時味甘手斟爲客勺分煎細量

刻畧花陰試更續遺聞日下傳湘浦韓城茶話夢

王劉二閣

老舊芭堂然圃墨叅禪嘗與張芭堂陳然圃考鑒金石於此與君靜締跏

趺處意釣鯢桓吸玉淵

屋圃觀海圖三百

守登州時作

碧瀾三萬里一氣攝衣襟閣倚千峯上窓凭百島深君

來舒嘯賦我夢答濤音

王西樵漁洋昆仲濤音集子王子於此校刻之

大海笙

鐘奏成連正鼓琴

宋刻蘇詩石無人辨渭涇畫盟吳道子書叩董華亭蹟

孰憑神鑒圖來感地靈爲君重浣筆歛吸海山青

坡公海市

詩碑今閣中是重刻者子於祠後剔出真石其背鐫坡書吳道子畫跋又有董書海市詩碑

握手田盤宅俄成廿四春袖中磯石皺衣上海苔皴復

憶行軺處會同珥筆人
菖蒲盃盞對鏡檻話前塵

辛亥春與

君同扈
蹕盤山

吳蘭雪扁舟歸養圖三首

南奔爾所恃途奉爾所生
三年官博士祿養以竭誠
朝辭胄監解暮計籤水程
妻孥隨視饌屈指僑上京
辛勤北來况初非爲榮名
扁舟載此心千里相迴縈

北畿達西江迢遞千里路
篷窓語老母保慎風與露
晴

雨氣候殊渚岸渺雲樹指
說河豫間先公芾棠處

尊甫官中

州多惠政欸欸旅思牽依依
追去住道逢王家甥緘若
蘇齋

晤此緘又二春時與舟景
遇果到蘇齋題相與傾積
懣

華生寫扁舟昔年貌蔣公
今又寫吳子西江雨詩翁
詩

家氣雄奇蔣吳雖畧同誰知此扁舟善寫奉母衷我說
詩之骨一歸經術功澹然歸養心盡在經腴中吳子且
緩歸更益經腴充始知雄奇氣燭舫蟠長虹

夏珪長江萬里圖

長江懸亘蜀楚吳莽莽遠勢來夔巫巴陵洞庭壯南紀
海門直注扶桑隅不知畫院何粉本極浦舟路連杭湖
小橋野店帶城郭邨家漁市編洲蘆間以峯巒作章法
橫雲遠樹曠以紆山窓客目飛鳥影指說峻坂交川涂
金焦北固在何許欸歌一碧穿菰蒲夏珪江景師小米
淨名海岳有意無中間用筆沉頓處肯假襟帶爲目娛
當時供奉好題目拈如旣濟戒尾濡天塹之險系全局

意豈僅在臨安都所以工執藝事諫李希古法非虛摹

二百餘年付鑒賞幾家丈尺贖躐殊吳淞水與并州剪

江貫道卷資廬胡國初山陰張爾唯將之蘇州郡守同

里圖或欲裂取其中某一段孫退谷即席集句云此卷

剪取吳淞半江水憫亂蘇州刺史腸一坐大笑此卷

神完氣深厚汪家鐵網誰珊瑚汪珂玉珊瑚網諸書所載是圖丈尺多不相合

王汝玉跋王臣隸褫裝前後傳非誣何論臣名絹邊字

禿皴夾筆良區區紹興年誤陸太宰可笑亦入桓家厨

諸書載陸完題句紹興年間夏珪作云云

夏珪寧宗時人而云紹興間作蓋不足信

夏珪松陰論古圖

丈尋綃軸聞院體山勢盡攝於長松松間穿下飛瀑響

雲濤萬頃相撞春松下石陰稍平處如野航可二客容

是與長松對論否正及飛瀑雲濤智作家布局懸腕意
渾在濕翠來高峯尔日院中吮墨手仰歎真宰窺何從
故題論古屬二客似避法偈叅千重嗟哉作者不傳祕
何必甲乙南北宗卽茲院體偶拈出已具輪斲非偏鋒
尙限華亭選佛界一聲何處禪室鐘

題元人松壑圖

大壑泉淙淙欲寫難取勢不比山石盤可以叅位置必
借松屈蟠章法乃節制所以寫長松迴別視羣卉早於
礪谷底蒼茫見幽異元人韻簡澹始得諸法備偶傳磊
砢節已負棟梁器士當未遇時無意出經世蓄養根餘
深多年閱青翠泉聲合濤聲鬱鬱于霄氣

五月廿四日峴兒陪諸同人訪城東宏善寺陳香泉畫鶴賦書壁賦此二首寄題并邀諸君同

作

醉書那便壓官奴艸譜旋教跋直沽

香泉是年秋於直沽艸堂作孫過庭

書譜釋文

半壁風神猶磊落百年煙雨未模糊南徐飛白廳

誰問廬阜陽明蹟久蕪

廬山東林寺壁王文成題詩四十年前尚存

如許霜

空寥廓影軒軒氣對禹鴻臚

此壁畫鶴禹慎齋之鼎手蹟也

慎齋想並鹿原來

林吉人隸書聽松字

妙墨時推一代才金石遺

文憑撫拾帚泥堊勢尙縈迴榻餘客袂攢雲起累尔僧

窓半日開茶罷登登叅梵響耐人緣締是昏苔

覺性禪師送瓜豆報以二小詩

疏畦風露倚詩傳及取秋花未蕾前曉起豆棚瓜架底
淡無言說是參禪

畫鶴精神掠影遲壁題嫌未是真詩故教青李來禽帖
省記函封報餉時

讀蘇詩四首

蘇齋讀蘇詩迴復萬古心嗟此邁往途敢以薄力任法
自吾儒家杜陵揆心箴真氣真性情均鍾調瑟琴洞庭
九奏響勃發於謳吟庶惟杜韓後山海量崇深非由讀
杜出誕岸誰追尋所以星宿源憑杜爲指針

詩源浩無津每借仙與佛杜求洞宮丹亦向雙峯利真
詮帆欲追遠壑初發是有枯寄處奚關智巧竭八萬

四干偈如何問禪窟身在匡廬中山淨溪長舌百千泛
頰相照徹鬚眉髮續之無盡燈合什妙圓月誰知澹忘
言胎息本無訣

先生初不飲言飲蓋其偶後來縱筆爲詩必系以酒對
客喧壺觴自名豈升斗真一特假辭和陶亦何有昔聖
酒無量曾涉詩教否太白酒中仙彼自出塵垢一以辦
香叅何必持螯手相與觀其深慎之論尙友

蘇陸較香山似近實不同蘇則函舉有又不侔放翁無
如李何輩僞體欺盲聾翻借蘇爲藥欲效針砭功誰將
珠玉醞誤等薑桂充咀爾白蘇齋偏嗜非由衷渾淪元
氣出廣大教化中試以白集擬然否杜法通且漫杭湖

上柳隄飛玉虹

讀元遺山詩四首

秀骨出天然非可學而至驚心動魄語抑豈堪屢試今
人惑津梁惟思騁奇異又怯昌谷囊難憑愈腹致慨覺
陸坦迤不及元雄恣猶如學坡詩莫喻其深祕城東一
矮楊二楊同啟笥乾隆己巳庚午間日與
立山衛圃誦遺山集光陰掣電過
六十年前事夢迴橋南窓憬焉發深愧

淵明飲之逸太白飲之仙坡則欲兼之仙佛俱有焉以
我讀坡詩竊疑未必然放翁之飲酒半壁澆江山各有
沈摯處敢誰輕與軒遺山真嗜飲何處窺其源恂恍莫
能名亦擬索真詮記與瘳石語瘳石笑不言飲中較之

蘇離合夫誰宜僅以飲酒論何礙詩足傳

遺山接睂山浩乎海波翻效忠蘇門後此意豈易言尔
日讀坡詩胸有節制存元精貫當中耿耿誰與論我觀
寶書品於褚斥籬藩蕭阮羊薄上遂擬探本根未審防
澆漓如何追胚渾望古俯衆流興定之初元令人緬星
漢峻極窮崑崙儻以質坡翁孰竟委與原秦鼂諸君子
恐未叅妙門

金翅壁滄溟金針度鴛繡何人望見之渺不露結構歛
之入毫芒縱之恢宇宙軒軒非濤瀾錯采豈雕鏤所擬
長沙帖抑非閣本舊又不以翻新本自佇與就象罔於
元珠憑何超喫詰此祕非傲人正復難輕授精純義山

真故在鄭箋右